




## Enfòmasyon sou Reyakson ak Sentòm Vaksen COVID-19 yo

Moun ka gen plizyè reyakson diferan parapò ak vaksen yo. Pifò reyakson yo lejè epi yo amelyore nan kèk èdtan oswa nan yon jou oswa de jou apre w fin pran vaksen w lan. Feyè sa a ba w yon apèsi sou reyakson ki posib yo.

| Efè segondè ki komen yo   |   |  |   |
|---|---|--|---|
| Reyakson  | Èske sa nòmal? Kisa m ta dwe fè?  | Kilè m ta dwe enkyete m?   | Pfizer/Moderna - Èske m ka pran vaksen sa a ankò?   |
| Sentòm tankou lafyèv, frison, doulè nan misk, fatig, maltèt       | <p>Sa nòmal. Sa ka kòmanse nan 24 èdtan apre w fin pran vaksen an. Li ka dire 2 oswa 3 jou.</p> <p>Ou ka pran asetaminofèn oswa ibipwofèn jan sa nesesè pou ede w jere sentòm sa yo.</p>   | <p><b>Si w PA yon anplwaye Mass General Brigham:</b> Si w gen youn nan sentom ki anba la a, tanpri kontakte founisè w pou plis konsèy, paske w ka bezwen fè yon tès COVID-19:</p> <ul style="list-style-type: none"> <li>• Yon fyèv ki wo</li> <li>• Sentòm ki dire <u>plis</u> pase kèk jou</li> <li>• Sentòm ki ka prezante akòz COVID-19 (tankou yon nouvo malgòj, tous, konjesyon nazal, nen k ap koule, pa ka pran sant oswa gou oswa souf kout).</li> <li>• Yon nouvo kontak ak yon moun ki gen COVID-19</li> </ul> <p>Si w gen yon konsiltasyon, yon pwosedi oswa yon chiriji ki planifye pou byento, epi w gen sentòm tanpri fè ekip swen w lan konn sa.</p> | <p>Ou ka pran yon lòt dòz nan moman ki apwopriye a ak siveyans estanda 15 minit la.</p>   |
| Woujè, anfleman ak/oswa demanjezon nan pati kote w pran vaksen an | <p>Sa nòmal. Li ka laj anpil. Jeneralman, sa dire 2 oswa 3 jou men li ka dire jiska 7 jou. Li ka kòmanse tou sou 7 a 10 jou apre w fin pran vaksen w lan. Ou ka gen anflamasyon anba zesèl nan bra kote w te pran vaksen an. Sa ta dwe amelyore poukont li nan lespas 7 jou.</p> <p>Si w gen demanjezon, ou ka pran yon antiyistamin (pa egzanp, diphenhydramine). Si w gen doulè, ou ka pran asetaminofèn. Glas ka ede pou anflamasyon an.</p>  | <p>Si woujè ak anflamasyon an rete nan menm pati kote w te pran vaksen an epi w pa gen okenn lòt sentòm reyakson alèjik (<b>gade nan paj 2 a</b>) lè sa a ou pa bezwen konsilte oswa pale ak pèsòn.</p> <p>Si w gen nenpòt sentòm alèjik tou, <b>gade nan paj 2</b> pou jwenn konsèy.</p> <p>Si anflamasyon anba zesèl ou a dire plis pase 7 jou, ou dwe kontakte pwofesyonèl swen sante w la.</p>   | <p>Toutotan w pa gen okenn reyakson alèjik, ou ka resevwa yon lòt dòz vaksen nan moman ki apwopriye a. Ou ta dwe pran kèlkeswa dòz adisyonèl yo mande w la avèk siveyans estanda 15 minit la.</p> |

## Reyaksyon alèjik

|                                      | Kisa sentòm yo ye?   | Kilè m ta dwe enkyete m?   | Pfizer/Moderna - Èske m ka pran vaksen sa a ankò?   |
|--------------------------------------|--|--|---|
| Reyaksyon alèjik ki lejè             | <ul style="list-style-type: none"> <li>Itikè, demanjezon, gratèl (sof kote w te pran vaksen an)           <ul style="list-style-type: none"> <li>Ou ka pran yon medikaman antiystamin yo vann san preskripsyon, pa egzanp, diphenhydramine oswa cetirizine jan yo rekòmande l sou etikèt ki sou anbalaj la.</li> </ul> </li> </ul>   | <p>Si sa rive nan espas 4 èdtan aprè w fin vaksinen, tanpri kontake founisè w la</p> <p>Si sa rive plis pase 4 èdtan aprè w fin vaksinen epi w devlope lòt sentom alèjik (gade anba la a), chèche jwenn swen ijan. Si w pa devlope lòt sentom men w enkyè, tanpri kontake founisè w la</p> | <p>Se yon doktè ki pou evalye w pou l detèmine si w ka pran yon lòt dòz nan moman ki apwopriye a. Ou ka petèt bezwen fè tès sou po.</p> <p>Si w pa devlope okenn lòt reyakson alèjik, ou ka pran yon lòt dòz vaksen nan moman ki apwopriye a men yo ta dwe swiv ou pandan 30 minit.</p> |
| Reyakson alèjik ki grav (anafilaksi) |  <ul style="list-style-type: none"> <li>Po bouch, vizaj, zye, lang ki anfle</li> <li>Noze/vomisman oswa doulè nan vant</li> <li>Kontrakson nan gòj oswa difikilte pou vale</li> <li>Difikilte pou respire ki pèsiste oswa souf kout</li> <li>Tous oswa sifleman</li> <li>Tèt vire oswa toudisman</li> </ul> | <p>Pou majorite moun, sa rive jeneralman touswit apre yo fin pran vaksen an – nan lespas 15 minit. Y ap swiv ou nan klinik kote yo bay vaksen an pandan moman sa a.</p> <p>Si w gen sentom sa yo aprè w fin ale lakay ou, tanpri kontake founisè w la</p>                                  | <p>Se yon doktè ki pou evalye w pou l detèmine si w ka pran yon lòt dòz nan moman ki apwopriye a. Ou ka petèt bezwen fè tès sou po.</p>   |

**Si m te gen yon reyakson lokal oswa sentòm (lafyèv, fatig, frison, doulè nan misk) apre yon dòz vaksen, èske m ta dwe pran medikaman avan m pran yon lòt dòz? Non, sof si doktè w la rekòmande sa. Yo pa rekòmande pou pran medikaman sa yo avan w pran dòz adisyonèl yo mande w la pou anpeche sentòm sa yo parèt ankò. Ou ka pran medikaman pou lafyèv oswa pou soulaje doulè pou sentòm sa yo, si sa nesesè. Nou pa konnen sa k ap rive reyakson iminitè w fas ak vaksen kont COVID-19 la si w pran medikaman sa yo apre w fin pran l.**

**Pou vaksen ki mande dòz adisyonèl yo, tanpri fè tout efò pou resevwa dòz adisyonèl vaksen yo rekòmande a nan jou ak nan lè nou pwograme pou ou a. Si w bezwen chanje dat randevou w la, ou ka chanje dat la sou Patient Gateway (pòtay anliy pou pasyan nou yo).**